

AZTERKOSTA 2019 lehiaketa

AZTERKOSTA lehiaketan parte hartzeko asmorik baduzue, irakur itzazue arretaz lehiaketaren oinarriak.

LEHIAKETAREN GAIA:

Gai bakarra, "**Gure kostaldea**"

MODALITATEAK:

- Marrazkia
- Argazki digitala

KATEGORIAK:

- 1.Kategoria: 10 urte arte.
- 2.Kategoria: 11-15 urte bitartean.
- 3.Kategoria: 16 urte baino gehiago

LANAK AURKEZTEKO ARAUAK:

MARRAZKIA:

Marrazkiak **edozein teknika** erabiliz (argizaria, akuarela, koloretako arkatzak, ikatz ziria eta abar) egindakoak izan daitezke; neurriak, berriz, **DIN A4** edo **DIN A3**koak izango dira. Aurkeztutako marrazkiak **orijinalak** izan behar dira. Ezohiko kasuetan marrazkiak eskaneatuta bidali daitezke on-line, beti ere alde aurretik abisua emanez. Iraztekotan behar-beharrezkoa izango da marrazki orijinala bidaltzea.

Pertsona bakoitzak marrazki bakarra aurkeztu dezake.

ARGAZKIA:

Jatorrizko argazkiak **orijinalak** izan beharko dira, gehienez urte bateko antzinakotasuna dutenak eta beste lehiaketa batean saritu gabeak.

Formatu digitalean aurkeztuko dira bakarrik, hau da **CD-an**, **USB-an** edo **posta elektronikoa** bidaliz (aztertu@euskadi.eus). **Pertsona bakoitzak argazki bakarra** aurkeztu dezake.

Argazki bat baino gehiago batera aurkeztuz gero (ikasgela bat kasu, adibidez), egileak behar den bezala identifikatu beharko dira.

Bestalde, interesgarria litzateke irakasleek (ikastetxeetan) eta begiraleek (elkarte eta abarretan) euren taldeak lanak egitera eta aurkeztera bultzatzea. Hori dela eta, parte-hartzaile bakoitzak, norberaren izenean aurkezteaz aparte zentroaren izena aipatuko dezake.

Aurkezten diren lanetan behar bezala identifikatu beharko da parte-hartzaile bakoitza.

- **Izen-abizenak**
- **Sexua**
- **Ikastetxea, elkarte, kolektiboa...** (izatekotan)
- **Adina eta kategoria**
- **Telefonoa eta helbide elektronikoa** (kontakturako)

Ez dira kontuan hartuko ezarritako arauak betetzen ez dituzten lanak.

LANAK AURKEZTEKO AZKEN EGUNA:

2019ko abenduaren 16a

Posta arruntez bidaltzen badira, zigiluak abenduaren 16an izango du epe muga.

LANAK AURKEZTEKO LEKUA:

Lanak eskura eman edo kartaz bidali daitezke. Argazkien kasuan posta elektronikoa erabili daiteke (aztertu@euskadi.eus).

Lanak ondorengo lekuetan aurkeztu daitezke, zuzenean eramanda edo posta arruta erabiliz:

- BILBOKO INGURUGELA: Ondarroa 2. 48004 BILBAO
- GASTEIZKO INGURUGELA: Baiona 56-58. 01010 VITORIA-GASTEIZ
- DONOSTIAKO INGURUGELA: Basotxiki 5. 20015 DONOSTIA-SAN SEBASTIÁN
- LEGAZPIKO INGURUGELA: Brinkola auzoa z/g. 20220 LEGAZPI
- Eibarko BERRITZEGUNEA: J.A.Iturrioz 5, 20600 EIBAR

SARIAK:

Aurkeztutako lan guztiak Ingurugelako, Eusko Jaurlaritzako eta AZTERKOSTA koordinatzen duen taldeko kideek osatutako epaimahaiak balioetsiko ditu. Modalitateetako kategoria guztietako irabazleei sari bana emango zaie, baita saridunen ikastetxe, elkarte edo erakundeei ere (izatekotan).

Kategoria ezberdinentzako sariak ez dira aldeztuak ezagutzen. Ez dira metalikoan izango, eta jasangarritasunaren aldeko hezkuntzarekin eta naturaren gozamen jasangarriarekin izango dute zerikusia: joko hezigarriak eta dibulgatzaileak, eskulanak, ipuinak, liburuak, mendirako eta kirol materiala...

SARITUTAKO LANAK ARGITARATZEA:

Saritutako lanak AZTERTU programaren web orrian argitaratuko dira, saritutako lanen bilduma edo galerian.

OBREN ITZULTZEA

Nahi duenak bere obra berreskuratu dezake.

Horretarako aztertu@euskadi.eus helbidearen bitartez kontaktuan jarri beharko da urte bateko epean.

**AURKEZTUTAKO LANAK ERABILTZEKO BAIMENA:**

Lehiaketara aurkeztutako lanak Euskal Autonomia Erkidegoko Administrazioaren esku geratuko dira, eta lan horien kopiak egiteko eta zabaltzeko baimena izango du, baita egoki deritzon komunikazio publikoko sistemaren bidez eta egoki deritzon helburuarekin lanak ezagutarazteko baimena ere. Euskal Autonomia Erkidegoko Administrazioak eskuratzen dituen baimen horien iraupena 6 urtekoa izango da eta nonahi gauzatu ahal izango ditu. Hala, esaterako, AZTERTU programaren aurtengo edizioan nahiz hurrengoetan sor litekeen edozein materialetan (apaingarri edo osagarri) erabili ahalko ditu lanak, baita ezagutzera eman AZTERTU programaren web gunean ere. Bestalde, parte-hartzaileen irudia modu berdinean erabili ahal izango du Euskal Autonomia Erkidegoko Administrazioak. Lehiaketara lanak aurkeztu dituztenek, ordea, ez dute EAEko Administrazioak egin ditzakeen erabilera horien inguruetatik guztiengatik diru-saririk jasotzeko eskubiderik izango.

LEGEZKO OHARRA:

Abenduaren 13ko 15/1999 Lege Organikoak, Datu Pertsonalak Babestekoak, ezarritakoari jarraiki, honako hau jakinarazi nahi dizugu: AZTERKOSTA lehiaketara aurkezten duzun lana saridun baldin bada, zure datu pertsonalak fitxategi automatizatu batean gordeko dira.

Fitxategi horretan gordetako datuak helburu hauetarako baino ez dira erabiliko:

- Zure lanak saria jasoko duela jakinarazteko.
- Sariak banatzeko ekitaldira zu gonbidatu ahal izateko.
- dagokizun saria eman ahal izateko.
- Zure lana ibaialde aldizkarian lan sarituen bilduman argitaratzen dugunean, nori egin den adierazi ahal izateko; beti ere zuk datu horiek azaltzearen aurkako adierazpenik egiten ez baduzu.

Fitxategiaren arduraduna Eusko Jaurlaritzako Ingurumen eta Lurralde Politika Saileko Natura Ingurunearen eta Ingurumen Plangintzaren zuzendaria da. Datuak eskuratzeko, zuzentzeko, deuseztatzeko eta fitxategian agertzearen aurka egiteko eskubidea gauzatu nahi izanez gero, Sail horretako Zerbitzu Zuzendaritzara jo dezakezu: Donostia-San Sebastián 1, 2. solairua, Vitoria-Gasteiz 01010.